




831212

藤香館  
詩刪存



光緒己卯瑞  
安孫衣言署

桑根山尺水豕



謂爾儲用世才耶介胡不昇中興郭李為徒謂  
爾裕壽世學耶爾胡不所訛詒闡性理竊均於  
濠宗大儒謂介真能遜世無悶耶尔又胡不友  
溪山之糜廡狎故土之樵漁而乃棄官於強仕  
之歲託迹在都會之區縞紵之交鄉相下顧官  
觀之祿饘粥差敷偶道遥乎風月時逢求於江  
湖酒戶推巨詩材頗麤是殆自適其情之所適  
而不爭世塗之得失榮枯

桑根山人自贊

受業江甯鄧嘉緝謹書

詩之爲道通於政事蓋得溫柔敦厚之旨者其人必慈祥愷悌以之從政有不愛民恤物而爲良二千石者乎然漢之龔黃召杜不聞善詩後若大謝之守永嘉小謝之守宣城文采風流足以稱其山水矣而政蹟無得而述惟唐之白文公宋之蘇文忠公以詩鳴一代而皆官於杭皆興西湖水利遺愛至今在民觀於二公而詩與政通之說益信全椒薛君慰農爲白蘇之詩官白蘇之地而卽行白蘇之政非所謂詩人而循吏者歟余初未識慰農咸豐丙辰客浙撫署君方爲嘉興令歲大旱以不善催科去官余固已

藤香館詩刪存序

心知爲循吏矣庚申二月君及朱太守述之江二尹弢叔同校數文課卷余亦與焉三人者不過日披百餘卷而君則倍之評點甲乙不爽錙黍余乃大歎服始與訂交并得讀其秋闈紀事詩然終以時文家目君尙未知其詩之多且工如是也同治癸亥余從軍滬上君亦繼至軍書之暇間出其詩示余余始知君爲詩人矣及乙丑來浙君已擢杭州守有年政聲藉藉雖其治好以詩書化民而自爲詩蓋寡余亦未讀其全集也旣而挂冠去浙越二年復來主崇文講席余適居憂無事遂相與爲詩會半月一集湖上君詩輒先成同人皆三舍避君又自編其集爲四卷卷得

詩二百餘首使余訂定而序之君居杭久其詩如西湖山水清而華秀而蒼往往引人入勝趨向固不外白蘇二家而傷時感事之作沈鬱頓挫且駸駸乎入杜陵之室然後知白蘇不足以盡其詩而詩亦不足以盡其生平也方君守杭當大亂後經營草創安緝拊循其事固有難於二公者雖幸際 聖明萬不至如坡老之憂讒畏譏而一旦謝政而歸囊橐蕭然田園蕪穢又何有乎杖履優游之樂似又難自比香山矣然爲詩人爲循吏二公同卽君亦同而論三人之遇同之中又有不同焉君年始五十度未能終老東山他日復出而大用於世則吾讀其清廟明堂之篇尤樂得而爲之序已同治丁卯秋無錫秦細業

藤香館詩刪存序

二

序二

夫塵氛蔽日太虛不易其性雲物含川澄波不改其色是以班倅之巧屬之於目涓曠之聰專之於耳矧詩書夙好文字結習曰德曰功並立言而不朽爲屏爲翰肇作頌而穆如諸葛卧龍則有梁甫之吟甯戚飯牛則有南山之什彼無情於翰墨猶託意於篇章至若河陽種花歌謠是掌宣城出守嘯詠斯繁唐宋而還風流彌盛香山去國老作諸侯之長東坡爲郡愁吟春夢之婆宜其厯厯畫圖淹三年而不足依依魚鳥感重九以傷懷又豈僅訪蘇小於斷

橋烟藏稚柳弔錢王於野寺蘚蝕殘碑者乎全椒慰農辭  
先生秉靈淑之上才備清和之春氣河東三鳳競蜚丹山  
豐城二龍咸矯碧漢元亭問字酒香子雲之廬絳帳傳經  
風藹季長之座夙嫻詩禮當時疑有異聞痛廢蓼莪及門  
爲之流涕迨郊祁同榜軾轍齊名九陌紅塵勝會必聯花  
萼上清仙吏謫居猶近蓬萊時則江介騷然越邦無恙二  
三公子袞展翩翩五兩南風烟波渺渺於是執牛耳探驪  
領瀛嶼尋梅賞林逋之孤韻靈峰延桂留庾信之小園十  
里荷花笑迎畫舫一聲鶻唱公有西湖鶻唱詞集綠繞春潭旣而出  
宰鴛湖見中牟之異展覲燕市有津門之役糧艘萬席銜

藤香館詩刪存序

三

尾俱飛香草一編感懷曷已

其時公再賦香草間情三十首

爾乃防邊昱

嶺量移魏塘王粲從軍故多佳製陽城考績豈署催科瀛

海珊瑚再頓鐵網天衢鸚薦遂迫簡書重閉忽開驚烽亂

入賊如孤注一擲成梟士有死心同時化鶴子胥山下振

蕪城之飛蓬錢塘江頭咽陳陶之流水少陵歎逝乃賦八

哀伯鸞傷時爰歌五噫睠焉魏闕適彼豫章無何方臘

之徒潛趨寶婺孫恩之黨再入武林吳越淪胥東南蕩析

渡江有楫出門無車迂使星於西垣歌薤露於南浦雁行

斷淚江天爲之於邑荆樹連根人琴均其憔悴經紀旣畢

行邁方將王濬樓船出奇兵於間道元瑜書記逐飛簡於

流星因韓公之受降挾蔡人而將命驂駟絕足詎遺視於  
王良鏌鋌銛必就鑄於歐冶奮乘雷雨擢領湖山狎壯  
士之驍騰撫遺黎之彫瘵漢家父老喜見威儀驛舍兒童  
爭迎行部阜蓋張暑韓昌黎之清風蹇策行春百里嵩之  
甘雨白沙隄畔芳草初蘇靈鷲峰前流泉再冽固已名香  
梅李績媿龔黃傳佳詠於蘋洲凝清香於燕寢矣而乃持  
家冢婦最苦晨炊打劫殘某易醒午夢見公本詩興公初服本  
是儒生長孺直聲未能卧治鬱林載石暫回陸續之舟臬  
比談經仍據戴憑之席三生契濶莫非前因一集行藏亦  
繇自斷編年裁體按律刪篇始自甲寅迄於丁卯風月千

藤香館詩刪存序

四

首何必翰林滄桑幾年便成詩史鍾英湘江小草謬託苔  
岑東海微塵曾依喬嶽傷翎病羽豈有意於飛鳴枯木朽  
株本無心於雕鏤自經孤露亟歷寒暄聊續華胥之游復  
眩鈞天之奏性眈佳句重與細論誰定吾文辭之不獲愧  
非鍾子乃聽伯牙之彈謬比樂天竊序長慶之集同治丁  
卯秋衡山陳鍾英

序三

薛君慰農以循吏守杭州攝監司未三載引疾去杭之人  
弗忍君去也君亦弗忍去杭歸未幾復來主崇文講席暇  
日編所爲詩自甲寅至丁卯凡十四年分爲四卷都九百

餘篇秦觀察陳大令皆有序君曰鐵華交予久不可無言  
噫君之詩通於政事觀察既言之詳矣而大令復綜君之  
生平哀樂不能已於詩之故慨乎言之予又何言無已請  
爲君言龍乎今夫神龍或潛或飛能隱能顯變化至不測  
也一勺之水百丈之淵蚯蚓之所蟠毒蛇悍蛟之所伏龍  
處其間循循焉人不知其龍也及其嘯雲出淵騰蹕九霄  
之上揚鬐奮鬣爲霖爲雨人皆曰龍在是龍在是雲忽焉  
歸雨忽焉止太空冥冥不見其形大地茫茫莫拾其鱗甲  
其歸於一勺之水耶百丈之淵耶吾烏乎測之故曰神也  
惟詩亦然一邱一壑才人韻士窮狀風月雕鏤魚鳥工矣  
有鉅手焉獨寄心物外標趣焉遠時或登泰岱嵩華終南  
之高涉大江抗怒濤神仙詭怪出其前層雲盪霄轟雷裂  
耳值其際達者賦之不啻一邱一壑蓋詩之伸縮變幻皆  
神境也是故處重淵而不忘乎九天雖躍乎天門而可以  
爲尺蠖之屈龍不如是不可以爲神龍人不如是詩不可  
以造神境嗟乎十四年中君之爲潛爲飛爲隱爲顯所遇  
亦多矣隱可以爲顯飛可以爲潛人烏乎測之故君之生  
平人不得而測卽君之詩之伸縮變幻且不自測吾亦烏  
乎測之辭君辭君其猶龍乎同治戊辰秋高要馮譽驄

夫射陽谷之曦若木啟其秀匯璇源之水明珠濯其輝靈  
鳳蟠霄自吐奇響潛虬在壑亦媚幽姿良以神觀內瑩則  
驚采外絢淵量靜挹則瓌情動攄自非胚孕六代陶冶三  
唐而能臻此勝乎吾師桑根夫子儒雅宗匠神仙宰官希  
心夷惠之間抗迹白蘇之亞清談偃塵不祖元風大道猶  
龍足母羣物故以激懷實邁天藻豔發籠挫萬有卷舒一  
心古稱長卿賦非人間來世傳摩詰詩作天外想今年夏  
哀集付雕編成四卷標圭臬於詞場樹敦槃於藝苑原其  
雅旨無間風騷迺若芳規有資譜述夫子始登上第出典  
專城尙方賜其鳧鳥明湖滌其魚釜黃花古戍籌筆霜飛

藤香館詩刪存序

六

橋李名都下車風動種花一縣藝蘭百晦衝參初罷引儒  
席而披珍原稼乍巡聽農歌而命酌麟湖汎艤月話題襟  
鴛渚歸艎煙心入畫斯宣城之逸軌魯山之新樂也已而  
轉蓬澱水晞髮章門揖孺子之亭參涪翁之社時則長淮  
方鬪錢塘再墟餘皇夜呼湛盧夕嘯覽古弔昆明之劫升  
高雪清流之涕大澤風起蒼虬獨吟空山雷晝黑鵠幾裂  
重以涉洄聲伯夢瓊瑰而戒塗謂侍御淮  
生先生渡江獻之憶桃  
葉而增楚星輶蜺弗愴乎崇朝珠淚玉煙長此終古斯瀾  
岸之喟歎同谷之悲歌也鬱林輕裝時復泛海山松故壘  
起而從戎方贊平吳之功旋有武林之拜江山故國銅狄

可摩父老遺民遼鶴斯在拯之塗炭春臺儼其華胥例以  
瑋璋才藪融其墨海文藻所濡絃歌與答居士六一宜畫  
舫之題齋汲僧雨三熟冷泉之判事斯始平之清詠道州  
之仁言也南峰北峰之地一邱一壑之志華絨纔解葛屨  
不攖跌宕林巒江水證其歸橐提舉宮觀祠祿代其儒餐  
關槐市談經之屢傾元亭問字之酒時曳竹杖往來白雲  
或披蘿陰俯仰丹岫桂樹小山之隱非靈鷲而可招梅花  
明月之鋤無癯鶴而亦廡溪閣吟晚松風轉清山樓脊晴  
篠露彌潤斯又彭澤之愴詞襄陽之高韻也蓋夫子之詩  
趣緣骨雋理以神超其覃思也幻眇而靚深其振音也鏘

藤香館詩刪存序

七

洋而激壯清新之作彌見老成雄麗之詞不掩逋峭所謂  
宏長風流增益標勝者與銘識愧蠡莛業慙陶鑄援琴海  
上能移我情奏樂鈞天恍接於夢恭承緒論命綴璣言授  
簡以來罔知所應譬則鴻翔遼廓視藪澤而已非魚游溲  
溲窺汀滢而滋陋雖復僭爲嚶引未能得其髣髴若夫東  
山再起曾聞安石會昌一品亦序衛公後之繼者將在斯  
乎則亦惟讚歎俱窮舐沫不厭而已同治戊辰夏秀水受  
業趙銘

跋一

夫皖公山色窈窕書堂錢唐湖水裴回行幘全椒辭夫子

杜門讀書振衣作吏蓋皆有山水之助焉靈暉萬有眇慮  
爲言匪經匪元亦文亦句伋興而作有詩四卷蓋文不先  
質華不先實潘生所談亮箸縣解先生植厚以爲基好古  
以爲澤託事以爲興率性以爲涂故名章迴句狀遲遲之  
春日古意新聲吟湛湛之江水學士逕庭謝厥九能詞人  
藻斧供徒一映所謂掇皮皆真文如其人者也獻朽木謝  
雕詠歸亦和君子杖屨之側後堂絲竹之聽伏見先生世  
味旣澹道氣日親才鋒且斂名心殆盡疏傳言歸之歲不  
治生產霸陵徒行之夜誰知將軍春風不噓浮雲易變頌  
聲作於周召變雅采於大東豈有同哉豈有異哉至於遣

藤香館詩刪存 跋

八

辭用心同門趙生蓋詳之矣同治戊辰秋受業弟子仁和  
譚獻

跋二

景祁少學詩讀東坡集而癖焉淫焉蓋其胸次浩然不以  
窮通得喪嬰其懷故其詩雖縱橫變化騰蹕萬象而不失  
爲和平雅正之音非其見道者深與吾師慰農先生殆其  
人也景祁初謁先生於郡治命司筆札時井邑初復萬戶  
蕭然先生招集流亡撫輯將士飛書艸檄之勞恒秉燭申  
旦暇輒與景祁輩角酒談藝疊疊不少倦越明年先生引  
疾去位放浪西湖之湄歎詠不輟或獨往來大江南北山

川之壯麗景物之倣詭竇僚人士之瑰奇其觀物也暇而取材也博盤薄鬱積輒寓之於詩乃益發其篋中之藏編前後所著爲四卷而授諸梓顏曰藤香館詩鈔其詩元本風雅不規規於格律而滂沛浩瀚一暢其所欲言於蘇爲尤近蘇公嘗自謂出處似樂天先生之於蘇公亦然昆弟齊名同舉制科一也典守杭郡民食其福二也秉性慤直動與時違三也先生負經世才旣不得志於時潛居韜晦疑必有悲歌慷慨鬱紆牢愁之作乃讀所爲詩颯舉電發傾吐胸臆而一歸於和平雅正之旨然後知先生以詩人爲循吏爲逸民無可不可此豈以窮通得喪嬰其懷者乎

藤香館詩刪存跋

九

夫先生之治行學術自有千古曷嘗藉詩以傳卽以詩論而治行學術之大畢見於是矣景祁自遭喪亂詩學荒落不能操遞鐘登伯牙之堂而平昔之瓣香蘇氏者猶此志也誦先生詩是失路而得導師也已同治七年八月旣望受業錢唐張景祁

藤香館詩刪存目錄

余發願六十後不作詩前編藤香館詩鈔四卷嗣又續編四卷板存金陵梓人吳耀年家鄰舍火及遂被燬其年余適六十炎炎者殆以堅余之戒也案頭存有贖本時一覆閱疵類百出擬一併摧燒之兒輩力諫以爲不可因屬門下士譚仲修大令痛加淘汰凡緣情綺靡及酬應之章悉弃去仲修仿山谷詩例編桑根山人精華錄又仿林吉人書漁洋山人精華錄例邀門下士沈蒙叔廣文書之仲修邃於詩蒙叔工書方之吉人均無愧色而以桑根例漁洋則猶部塿之于泰山殊駭聞聽諸門下又以仲修所訂稍隘固請擴充共編存詩八百餘篇仲修所訂視原刻十之二三此番所編則幾及十之四五矣精華錄之名避不敢居顏曰藤香館詩刪存並附仲修跋語于左以銘相長之誼余今年六十有二守詩戒兩年閒爲朋輩所勦偶一吟咏亦不再編存云光緒己卯夏四月全椒僻時雨識於金陵惜陰書院

甲寅

原編詩九十七首 刪存三十二首

乙卯

原編詩四十九首 刪存二十二首

丙辰

原編詩六十一首 刪存九首

丁巳

原編詩九十四首 刪存十六首

戊午

原編詩三十四首 刪存二十三首

己未

原編詩三十二首 刪存十一首

庚申

原編詩八十二首 刪存五十八首

藤香館詩刪存目錄

辛酉

原編詩八十四首 刪存四十九首

壬戌

原編詩七十首 刪存四十五首

癸亥

原編詩四十二首 刪存二十六首

甲子

原編詩二十首 刪存六首

乙丑

原編詩四十四首 刪存三十一首

丙寅

原編詩八十首 刪存二十九首

丁卯

原編詩一百八十首 刪存九十三首

戊辰

原編詩七十九首 刪存四十一首

己巳

原編詩一百三首 刪存五十四首

庚午

原編詩九十首 刪存二十二首

藤香館詩刪存目錄

三

辛未

原編詩一百五十三首 刪存七十二首

壬申

原編詩一百五十四首 刪存二十九首

癸酉

原編詩一百二十一首 刪存五十五首

甲戌

原編詩一百三十九首 刪存五十七首

乙亥

原編詩七十二首 刪存三十八首

丙子

原編詩六十六首 刪存十九首

丁丑

原編詩六十八首 刪存二十四首

附譚跋

桑根先生初刻詩四卷付獻校讀書後時輒私記尤雅諸篇以待殷璠高仲武其人先生去官主西湖白下講席十年中續刻四卷前後存詩千七百餘篇光緒元年獻從游清涼山下乃讀癸酉以後未刻詩卷薄宦皖江奉檄天都別先生又三載矣郵書見告詩刻近燬於火

藤香館詩刪存目錄

四

六丁下取人間傳本將何以贗未見者之心目先生六十之年撥棄文字寄語小子別定一本付諸子弟覆刻與否蓋不計也獻仿山谷詩例編桑根山人精華錄二卷附詞一卷時方覽唐陶山集詩格沈厚與先生最近出處亦略同復憶二十年前見僻補山太史遺稿十六卷意思深長筆力簡勁足以俯視心餘吳江夏靜甫屬獻訂爲五卷未及刊布遂付劫灰嗟惜至今昔者漁洋山人精華錄弟子林吉人手書藝苑珍異獻附彭宣之後堂比阿難之結集指腕素劣不能手自繕寫吾師門下不乏工書如林吉人者倘得秀水沈蒙叔莊書一通

持付吳下良工登木以傳則漁洋一編不得擅美於前  
矣陶山集爲通州白慎旃錄書體亦不減吉人也光緒  
四年四月小滿日譚獻記

詞附

西湖艣唱

原編詞一百五十一調 刪存八十一調

江舟欵乃

原編詞一百六十五調 刪存八十四調

藤香館詩刪存目錄

五

藤香館詩刪存卷一

全椒 薛時雨

甲寅

出山四首

少小生鄉曲不羞短後衣伏處三十年悠然吟采薇蓬華  
羅生徒舌耕療我飢花木有供奉林泉無是非四度負春  
風乙巳丁未庚戌壬子俱未應禮部試願言守荆扉菽水奉慈親泯此得失  
機中歲忽改轍萬言試京畿一第偶廁名志與生平違小  
草耐枯槁燭火韜光輝策蹇登長途未行先思歸

古人奉檄喜端爲親在堂樹靜風不停策名無輝光弱齡  
負虛譽人言白眉良嚴君厚期望謂可繼青箱十五悲失  
怙泮芹猶未香萱闈幸健在督課隨雁行卯歲賦鹿鳴及  
見歌笙簧白雲天上飛雛鳳雲中翔言歸薦牲醴列鼎空  
鋪張痛哭辭佳城孤兒摧肝腸

藤香館詩刪存卷一

伯兄選冷官秉鐸師多士仲氏翔木天價重洛陽紙頭銜  
各清高人稱內外史獨我墮風塵肉食古云鄙溫飽素不  
屑操守良可矢所嗟時事棘風鶴迫轉徙百里古小侯民  
命寄在是撫馭無善策弄兵從此始讀書慕循良豈僅虛  
聲美出山等在山鹽此襄河水

瘦妻面不光牛衣共貧賤見我束裝行烹雌私作餞長跼



前致詞未語神先眩江湖多風波吳楚事征戰服官戎馬  
中雞肋何堪戀園收芋栗豐及早還鄉縣卿言當我意虛  
名如露電爲我葺茅屋勿令七星見爲我掌牙籤勿令蛛  
網冒他年解組歸重認書生面

瓜州晚泊

曉經瓜步夕瓜州古戍蒼茫繫客舟返照入江看未厭一  
燈紅上酒家樓

毘陵道中

泰伯城邊路推篷曉氣清一鉤殘月影十里賣花聲春去  
客無奈雲生天有情軍書馳古驛白下未休兵

小金山

藤香館詩刪存

卷一

二

臨水起樓臺遙矚心先愛葭菼圍青蔥林巒接靉靄維舟  
因蒞止入院逢僧話標題小金山義與錫山礙本無佛印  
居故賺東坡帶山靈縱一家鴻溝各劃界京口達梁溪江  
流分向背學術託門牆姓氏聯宗派譜或訂金荃氣遂通  
沉瀦攀援時世習相沿及方外茲境本清幽天然輞川畫  
四面波濼洞無處著埃壙特立足千古何取名附會反令  
浮玉峰巍然獨自大山僧聞我言豁然啟聾瞶語塞不能  
轉合掌但膜拜導我入曲逕幽香間醜髻松柯隔院交竹  
影當窗碎半畝種菩提斗室棲梵貝石鼎烹流泉習習生

虛籟我生墮塵俗萬慮相牽挂偷得半日閒暫閣三生債  
江山豁襟抱烟月入圖繪歸舟倒酒瓶目送風帆快

泛舟遊惠泉山小宴

我生灑脫頗自喜每遇名山必倒屣勝地經過第二泉一  
舟掉入烟雲裏江南四月清和天櫻筍上市鱒魚鮮阮囊  
搜索謀一醉但論行樂不論錢山青青兮泉涓涓撲人嵐  
氣輕於烟倪迂真蹟玩不盡彩鸞飛落雙嬋娟霓裳羽衣  
何踟躕散花天女參情禪梵修偶結闍黎緣法曲曾邀王  
母憐揮塵一笑翩來前明眸皓齒傾四筵何以贈之衍波  
箋美人報我朱絲絃一彈再鼓情纏綿林禽戢翼魚潛淵  
我欲從之賦遊仙鬢絲自顧非華年酒闌惆悵下山去杜  
宇聲聲唳碧樹咫尺雲關掩夕陽前溪自認來時路

耕田歌

朝出耕田天未曙殘月一鉤挂村樹暮出耕田日暝黑叱  
犢聲中泥滑滑側聞里正催官租耕田勿使田荒蕪老農  
汗血牛穀餼今歲多收五斗粟

飼蠶詞

老桑作葢新桑稀蠶遲桑貴憂蠶飢賣儂條脫買桑葉飼  
蠶辛苦如飼兒吳娃十五解料理私啟鏡奩蓄蠶子嫁裝  
不爭金與珠多置璘璣與躊躇

水村二首嘉禾道上作

人家深鎖綠陰中，柳陌菱塘面面通。  
新麥冷淘槐葉碧，野薺香壓枳籬紅。  
黃梅雨過三篙水，苦楝花開一櫂風。  
卻笑村姑諳盪漿，雙雙吳語出溪東。

桑葉稀時煮繭香，輕寒薄煖好天光。  
一年難得春花熟，四序無如夏令忙。  
候鳥聲催布穀平，田井井待分秧阿儂。  
舊向山村住，烟雨迷離憶故鄉。

初抵杭城卽事

揚帆度新關，關吏睨而笑。是真窮措大，破袂裹詩料。  
薄暮入東城，人烟翳夕照。舉目無因依，自矢特立操。  
沿街覓投止，晚風暗吹帽。須臾得蘭若，斗室聞香妙。  
容膝便可居，無庸卜杯琰。宦遊寄僧家，自我倡變調。  
淨宇度琴囊，斗室支茶竈。百錢沽斗酒，洗塵作慰勞。

湖上醉歌

十年夢想西湖路，遊蹤新認西湖樹。  
湧金門外范公祠，半面湖山通一顧。  
瓜皮艇子泛湖濱，流水無波漾麴塵。  
村女乍窺西子貌，始知絕代有佳人。  
湖分裏外山，南北湖光一片連。  
山色楊柳千行襯，畫樓菱荷十里成。  
香國湖心亭子水，當中柔艣輕搖四面風。  
曾把西湖比明月，果然人到廣寒宮。  
賞心樂事流連久，西冷橋畔風流藪。  
入饌安排宋嫂

魚當壚貰得文君酒與酣擊楫起高歌痛飲狂呼金叵羅  
如此湖山不成醉更從何處補蹉跎我生已插紅塵腳雙  
鳧幸傍湖山落爛賤功名不值錢鶯花到眼須行樂夕陽  
紅挂斷橋頭新月彎彎上半鉤萬疊煙嵐攜不去夢魂今  
夜落湖樓

次淮生仲兄寄懷原韻二首

鄉國蒼涼咽暮笳尺書難代話周遮虛名謬附三珠樹上  
苑同看一日花烽火驚心懷骨肉江湖浪迹憶桑麻燕臺  
別後貧如昔失笑朝朝數畫叉

環帶齋中舊幕賓

同鄉王銅士廉訪宦浙仲兄以東牀兼西席環帶離署齋名

我來魚

藤香館詩刪存卷一

五

烏尙相親烏臺問政無前輩絳帳談經有故人

海鹽陳琴齋外史與

兄巵署共筆墨最相得近作紫陽監院

西子湖邊留雪印丁姑祠畔感烟塵

何時重訂聯牀約姜被分遮暖似春

餘杭舟次

大滌山前路維舟夕照斜暗烟籠竹樹涼雨落菖花烽近  
新添驛隄埒半護沙十千沽美酒小市趁魚蝦

越游雜詩八首

錢塘江上水分流半入杭州半越州兩岸青山看不盡晚  
霞紅襯聽潮樓

夕陽古渡認西興蘆葦叢中一點燈風景隔江如畫本山

重水複塔層層

髻影眉痕映水涯  
芒蘿山下訪西家  
而今石上無紅粉  
村女年年自浣紗

嶺岫迴環接茂林  
一舟攬勝過山陰  
蘭亭妙墨柯亭笛  
千載名流重賞音

寂寞雷門鼓不鳴  
越王臺上鷓鴣聲  
五湖一舸無消息  
秋雨秋風苦竹城

采蓮歌罷采菱歌  
山色彎環水不波  
羨殺四明狂道士  
鑑湖一曲受恩多

金碧輝煌孝女祠  
夕陽簫鼓賽神時  
寒潮嗚咽荒江冷  
誰

藤香館詩冊存

卷一

六

向西風訪舊碑

閒愁如草不堪刪  
短堠長亭往又還  
行盡越江三百里  
客懷怕對客星山

雨窗無事戲作五六七言小詩各一首

積雨蕭齋冷殘秋  
絮襖單掩關閒習靜  
此味不宜官

隅坐僮能識字應  
門僕慣圍碁剝啄料  
無他客故人送到  
新詩

連朝風雨罷參衙  
深院簾垂薄靄遮  
酒夢微醒詩思倦  
焚

香燹茗讀南華

送劉升庵同年

曦

之官宣平

武林抵括蒼計程逾千里宣平隸是郡邑僅彈丸耳隘難  
展驥足儉薄尤堪訾雞豚等麟鳳公膳乏甘旨官衙如山  
村茅茨相櫛比地瘠途更長春糧艱料理奉檄得此鄉燈  
額心不喜劉君獨怡然琴鶴載行李知交各祖餞離緒西  
湖水古人重贈言同譜誼尤美我輩伏草茅循良誦前史  
通籍得微官致用從茲始邑無論大小報最同一軌善國  
滕可爲僻陋莒難恃殫心保民瘼政成庶有豸宦途較肥  
瘠鄙哉鄙夫鄙十載卧牛衣臣朔飢欲死鶴俸比羊脩價  
已相倍蓰好官圖得錢不如利爭市朱圭亦可爲胡然溷  
青紫我素矢此心敢以告知己牛刀我未操空談或招毀  
簡書催上道鼓柅河之涘臨歧勿沾巾別淚丈夫恥

海塘行

四海之水皆滔滔汎濫無如浙江潮三千鐵弩射不倒銀  
山十二連天高龕赭相向作門戶門戶一入勢更驕豈惟  
杭郡憂魚鼈一潰吳越將覆巢築塘捍海海若怒驅水灌  
塘塘不牢南坍北漲眾所祝東衝西突途轉滄柴塘刷盡  
齧及石鱗次屹立等城濠外援既失內可慮如以孤注賭  
雉梟海防職守有專責 國帑歲給無征徭中流砥柱功  
不就波及遂乃徵閒曹書生舊讀水經注足跡曾未涉波  
濤以蠡測海洵可笑簡書敦促難辭勞鳩工負土來海上

望洋三歎中心焦  
天空地曠日黯淡  
波瀾詭風蕭騷彩霞  
百道樓幻蜃巨壑  
千仞室潛鮫倏忽  
譁報海潮至雷轟  
電掣聲喧囂臨流  
渴飲奔眾馬戴山  
掉首翻巨鼈一綫  
直下勒不住萬舟  
轉柁如相朝匠作  
駭避罷版築鬱浪  
所過木石漂餘勢  
尙可撼山岳危塘  
岌岌如動搖我時  
駐工任監督眼界  
雖豁興不豪誤工  
糜帑誠所慮尤恐  
斥鹵槁田苗村店  
泥飲謀一醉作歌  
自比寒蟲號晚潮  
漸落海天靜明月  
如鏡懸層霄

歲暮偶成二首

年瘦冬肥料理忙  
霜壅雪芥甕中香  
山妻釀得家鄉酒  
一

藤香館詩刪存卷一

八

醉渾忘在異鄉

臘盡春遲雪滿天  
條條冰柱挂檐前  
敝裘未改寒儒笑  
借朝衫好賀年

乙卯

自杭州至昌化途中雜詩七首

駱宕春風拂客驂  
一鞭緩緩出城南  
英雄髀肉頻年感  
馬  
上馳驅漸不堪

沙軟泥乾積雨晴  
平原草淺馬蹏輕  
酒旗影裏村如畫  
聽  
報郵籤第一程

烟波渺渺樹蒼蒼  
半是山莊半水鄉  
十里春光看不了  
茗

花香裏過餘杭

石鏡山前鏡似磨  
錢王醜酒此經過  
錦衣不見將軍樹  
古木而今挂薜蘿

款段輕驅九折巖  
林陰深處夕陽銜  
萬山拱揖朝天目  
嵐翠紛飛撲客衫

柱石山邊招隱亭  
潛州勝蹟客初經  
軍書旁午難言隱  
柱石還應作翰屏

百里巉巖盡是山  
烟雲籠罩有無間  
從今輿志增名勝  
節使新營昱嶺關

黃壽臣中丞檄程味庭大令於昱嶺特建一關

贈丁佛持大令

承壽

藤香館詩刪存

卷一

九

孤鳥飛不高  
獨絃彈不和  
矧茲軍旅重  
事繁令尤苛  
一柱思擎天  
力薄將奈何  
叩須招我友  
慷慨吳鉤磨  
聯袂趨戎行  
暇則擊楫歌  
志同道亦合計  
議無偏頗  
君家蓉湖灣  
我家桑根阿  
蓉湖水清漣  
桑根山嵯峨  
山水有真樂  
胡爲事干戈  
相期氛祲息  
同舟訪烟蘿

夜登昱嶺贈阿仁齋鎮軍

麟保

昱嶺之峰高  
插天眾山峽  
蜿蜒相鉤連  
開關列炬登  
其巔壁壘重  
疊雄且堅  
陰風慘淡天  
淒然欲雨不  
雨烟非烟  
礮輪陡發營  
門前一呼百  
諾何喧闐  
荷戈執戟來  
爭先魚貫  
鶴立聽傳宣  
紅巾潛度箬  
嶺邊將軍上  
馬親著鞭  
鉦人伐鼓

警淵淵燈火照耀旌旗鮮爲君安排椎牛筵美酒百斛千  
彘肩待君今夕奏凱旋長歌壯士掩關眠

張小浦中丞

芾

視師徽郡道出唐昌賦呈二律

中丞威望振西江一木曾將大厦扛謗口不妨騰蕙苒吟

情未許託蘭苕元戎再起

君恩重物望羣推國士雙

秉公

節西江戰守之功  
與江忠烈公並著

兩浙藩籬今鞏固相期鄰壤靖村龙

雲巖石磴鎖孤城羽扇綸巾自在行驛路爭迎前節度丰  
儀未改舊書生籃輿緩緩看山色楊柳依依送旆旌野老  
不知騶從過萬家荷鍤事春耕

從軍行爲某孝廉作

藤香館詩刪存卷一

十

壞雲壓城兇獸紫斷頭夜報將軍死從軍負羽更無人膽  
大書生投筆起書生投筆氣何豪匣中有劍韡中刀談兵  
輕率譏趙括草檄神速追枚皋功成上將馳封事酬庸各  
遂男兒志廝養都當衛霍看麒麟閣上愁無地書生磨盾  
作凱歌歌成奇氣吞江河仰天據地忽長嘯封侯骨相今  
何多書生書生爾奈何

徽郡凱撤迴杭途次雜紀四首

賊來如波翻賊去如籜掃飄忽本無常禍福此中造孤城  
無外援累卵豈能保不死則論罪憂憤心如擣千里報紅  
旗拔擢及樗栲問其所設施自反亦絕倒乾坤方瘡痍禍

福皆草草君子重立身蘊道以爲寶

宣歙在皖南於浙爲門戶門戶旣肅清聊以固吾圉不戰  
收全功豈屬我汝殺賊未見賊請纓負期許載橐囊中  
弓載戢城頭櫓落日掩大旗涼宵停戍鼓琴書重整頓鞍  
馬習勞苦萬人唱饒歌驪歌吾自譜

來時春草生冒土金鉤曲歸時草連天經秋色更綠絡緯  
嘯荒村蟪蛄噪古木青山點白露潤澤如膏沐春秋相代  
嬗遊子倦行役世事等奕棋光陰惜轉轂幸茲鋒鏑靖鴻  
磬復邦族閭里罷征徭夏夏礪新穀

蟾輝六圓缺舊館重來思館人笑相迎殷勤前陳詞昨有

藤香館詩刪存

卷一

二

從軍人投次先在茲車馬塞里閑旌旗張路陲驛吏望塵  
拜健兒夾道隨使君胡不然毋乃愆瓜期我聞但微笑爲  
我設芳卮醉倚繩牀眠新月潛來窺

奉檄赴嘉興新任述懷

讀書三十年足未出里黨溷跡蚩氓中熙熙同擊壤釋褐  
登崇階側立不敢仰在官則言官趨踰略能仿榮利非本  
懷此心終怏怏不願擁雙騶但期著五緡大吏薦牘登授  
我鴛湖長鴛湖本名區財賦實豐穰山川旣清淑壤地亦  
恢廣叱犢農朝耕鳴篳婦夜紡冠蓋塞角里縞紵紛來往  
歲暮權正供十萬計糧餼狼戾厥連雲充牣庫積鏹筮仕

得膏腴同僚代心痒紛紛作曹邱名流各推獎故墊郭泰  
巾學披王恭髦僕從互攀援薦引及颺颺大裘烏能周廣  
厦實幻想峻拒謗滋興兼收來更儻 國家設牧令本以  
資教養屈己順人情勢將淆直枉催科富金錢於我無銖  
兩矯激非清廉混同亦鹵莽寸衷自權度旁觀暗撫掌掉  
頭去勿顧片帆乘月上

晚泊塘鄴

繫纜塘鄴路蒼茫野氣橫斷橋流水齧斜日暮雲吞果熟  
禽呼子年豐稻茁孫趁墟人未散遙聽市聲喧

過長安壩

藤香館詩刪存卷一  
十一  
轆轤徐轉度塘坳邪許聲中濁浪捎推輓功成舟直上柁  
樓高出綠楊梢

舟抵三塔灣

三塔夕陽明霞光直射城途人望風采官樣鬧鉦聲驛柳  
經霜瘦寒流鑿影清此邦稱富庶何以慰蚩氓

漕倉行

東南財賦甲天下之江上腴推嘉禾冬收春運有定制按  
莊計畝無差譌漕倉建立水之涘閉閘高伉勢嵯峨厥口  
各自分監守編排字數免蹉跎鱗次櫛比備儲蓄如蛩如  
革如蜂窠歲逢大熟官吏喜大張文告嚴催科誤漕漏課

罰不宥毋以良善罹網羅民遵功令急曬穀逾期輸納防  
謫訶木簞戛戛晝不息石碓兀兀深宵磨紅鮮白粲籽種  
美香秬熟糯精華多簸揚既淨若珠玉盛以囊橐裝以籬  
一年血汗獲秋稔負載出門淚滂沱萬舟銜尾排水次篙  
艣填塞煩牽控望門投止不得入漕倉咫尺如天河胥吏  
眈眈作虎視探囊出米親摩抄七御八鑿茫弗辨正供寬  
恕耗羨苛豆區釜鍾各有額嘉量上頌平不頗如水忽淋  
勢趨下峰尖高比青霄摩嗟爾窮民苦無告煎迫慘若投  
燄蛾急兔返噬輒釀禍洵洵糾眾尋干戈牧民乃與民結  
讐心勞政拙古云何其中亦有狡黠者慣倚刀筆爲斧柯

藤香館詩刪存卷一

三

擇肥而噬擇弱食漕倉盤踞等行窩抗官玩法肆包攬議  
以重辟理則那蚩蚩之氓實可憫升斗胡爲興風波天寒  
歲暮厥未足催收徐待春陽和金穀典守下吏責日與斗  
筭相切磋敲比未忍加鞭扑拊循期可甦痒痲圍爐待雪  
乏清興偷閒吮墨吟長歌歌終倉吏請視事升堂驗斛鼓  
吼鼙

雪窗

雪窗冷靜似山家官鼓鼕鼕又散衙塵牘漸清閒徙倚一  
樽薄酒酌梅花

丙辰

戲和卓雪齋明經鑄顏春懷詩韻

一縷情絲裊裊牽華年錦瑟意難傳鶯花幾度虛游屐  
鼓頻年感畫船天上青禽遙寄語人間紅字豔題箋  
詞客清狂甚落想先縈鏡檻前

擬陌上花三首

陌上花開又幾年風流猶自話嬋娟  
故宮無處尋吳越  
夜夜春山泣杜鵑

錦樣繁華露電過空將豔語譜清歌  
江潮嗚咽宮嬪去陌上花開奈若何

鸞箋飄泊隨流水翠鈿銷沈歷歲華  
妃子君王同一夢而

藤香館詩刪存卷一

古

今陌上更無花

縹雲石爲大力將軍遺蹟嗣由海昌馬氏園移至石

門福緣寺丁少薌司馬

溥繪圖徵詩爲賦長歌

男兒第一快心事手挈黃金報知己黃金容易擲東流未  
若此石常千秋大力將軍熊虎儔生成骨相當封侯不逢  
知己老且休亦如此石偃蹇臥山邱蛟龍一旦得雲雨功  
名從此探囊取富貴豪華不值錢算來何物將天補此時  
此石早顯露鈴轅屹立風雲護倔強能增叱咤威峻嶒不  
改堅貞素傳呼忽報貴賓來將軍倒屣營門開酬恩未計  
千萬鎰痛飲先盡三百杯哀絲豪竹鳴如雷後堂鸞燕爭

迨陪陡見此石叫奇絕激賞欲易千瓊瑰將軍慷慨告石  
友我受此君知遇厚爾今亦受此君知爾我酬知同不朽  
故人家在青海旁軒楹瀟灑花木芳邱壑位置頗稱勝結  
構不亞平泉莊縐雲一朵忽飛下故人相見增驚詫袍笏  
眞應拜米顛奇章甲乙都無價天上白衣變蒼狗浮雲一  
瞬空迴首梓澤經年易主人監軍何處藏醒酒塵蹤飄忽  
靈根堅繁華飽閱傳眞詮名園別館轉眼皆雲煙惟有佛  
門香火千千年禦兒溪水鴛湖連我未見石心縈牽多情  
司馬遺雲箋索我潑墨題詩篇披圖快見石兄面真相如  
佛神如仙昔從野史悉顛末今從尺幅徵因緣寄聲司馬  
且珍重歸裝留鎮鬱林船

藤香館詩刪存

卷一

十五

憂旱

四月秧苗碧五月秧苗黃六月猶不雨炎風肆驕陽高田  
水漸竭河流幸湯湯萬家排桔槔犂確連官塘屨水苦乏  
資典質搜衣裳今年麥秋好蠶絲亦盈筐賣絲償官租炊  
麥充飢腸絲盡麥並盡枵腹心驚惶縱有水在渠奈無錢  
在囊可憐一寸苗八口羣相望旬日再不雨焦土成奇荒  
豈惟爾民憂長官尤徬徨終夜常十起露坐占星光

禱雨無應排悶

文武員奔走滿街呼籲聲急兼嬰孩僧道潛逃巫覡散郡

公社伯同吁喚南門閉北門開洵河穿井各獻策囚耕溺  
魁難弭災聞道虎頭能致龍激龍使鬪風雲從安頓虎骨  
置龍穴有龍不鬪嗔龍慵又聞燔豕能致雨城樓助以三  
通鼓鼓聲斷絕豕嗥苦點滴何曾沾下土吁嗟乎五月不  
雨至七月禾苗槁盡田疇裂旱母相傳屬宰官衙齋終夜  
常悲咽

踏災行

鄉民洵洵莽且魯走向公庭訴疾苦萬口嘈雜不成聲手  
持枯苗淚如雨長官鳴鼓急升堂災狀一一親端詳疾苦  
豈待爾民訴長官旦夕心傍徨下堂重向爾民道車屨宜

藤香館詩刪存

卷一

六

勤救宜早長官本自田閒來痾瘵爲爾縈懷抱爾今速歸  
勤灌培我今出城親勘災鄉民稽首魚貫去長官獨掉扁  
舟來舟行十里河路塞斷港絕流行不得僕夫裹足愁炎  
蒸道旁有蔭爭休息長官一見心則嗔爾輩憚暑何逡巡  
眼前車屨苦十倍此苦我欲分斯民舍舟登岸腰腳健東  
阡西陌循行遍鄉民傳說長官來黃童白叟爭相見自家  
疾苦忽不知冒暑轉爲長官嗜茶湯瓜藕各進獻一甌受  
爾慚且悲歸途烈烈炎風吹父老送我涕沾頤寄聲父老  
且勿痛我歸爲爾謀賑飢

偶成

鳥戀青雲蝶戀香半緣健翮半緣狂就中各有鍾情處誰  
惜當場自著忙

丁巳

孟河待潮舟中雜感四首

溪河本淺狹僅容一葦杭分道通江流便捷利民商烽火  
近不靖盜賊羣相望結隊踞官河搜括肆跳梁遂令行役  
客裹足心驚惶拌作遲滯行不肯冒昧嘗渺渺一綫流絡  
繹排千檣旌旗閃空際篙艣塞中央赫赫貴人舟當道扼  
其吭銜尾亦偶進寸步陷泥隍有如偃蹇士瑁璪困文場  
又如遷謫官顛躓難騰驤白酒沽三升獨酌澆愁腸

藤香館詩刪存

卷一

七

待潮潮不來舟中百憂起蛟龍翔天衢胡爲厄淺水毋乃  
性迂拙造物亦不喜坎珂厯未盡事事艮其趾自來舟楫  
材利涉別有技模稜去圭角活潑容塵滓泛應圓若環周  
币平如砥所至無偏頗前途卜萬里書生執一見目未窺  
涯涘處己先自膠入世應當否細繹殊不然萬事爭一是  
利鈍在人爲通塞有定理朝潮與暮汐變幻一時耳

枯坐易感歎不如岸上遊春風善吹噓百卉青油油田家  
事耕作人影交平疇去年苦奇荒稻梁難爲謀今春麥苗  
好培植望有秋食力苦守分意外羞營求此地近風鶴講  
武森戈矛警報時時傳殺氣黯征郵閭閻或不靖草竊增

內憂況值饑饉餘撫字安能周斯民猶三代盡心事鋤耰  
忍飢作善良愆不起乾餼潢池誰弄兵召釁或有由奇言  
牧民官勿與民爲讎

我行在江南我家在江北離家五百里干戈道路塞頻年  
迫鄰警桑梓變荆棘又值歲災祲十戶九乏食弟兄半衰  
老霜鬢間菜色薄宦囊橐虛挹注苦不得三載去鄉園面  
目增黧黑松楸夢常繫烽燧愁未熄思欲假道歸墓樹重  
封殖征夫畏簡書臨風三歎息悠悠水中鱗矯矯雲邊翼  
青青江岸山望望我心惻詩成聊自遣苦語出胸臆舟人  
報潮生伏枕猶反側

藤香館詩刪存卷一

六

順河集早發冒雨行百餘里晚宿紅花埠

東風一夜釀春陰翦翦輕寒透客衾大地豈無人待澤長  
途偏是我愁霖馬頭殘夢依稀續壁上新詩潦草吟猶有  
江南風景在河隄柳色雨中深

上巳日沂州道中二首

陌上花開三月三絲絲柔柳拂征驂客中佳節都孤負空  
指沂流問禊潭

鞭絲帽影去悠悠魯水齊山指顧中一脈孤煙墟裏起  
人喚渡馬嘶風

三月七日泰安道中大風雨雪兼雹車中感賦

四山峩峩石齒齒凍螺脫蹶車沒軌驅車戰石石怒抗相  
持往往良其趾風伯助虐煽狂燄刁騷一動萬籟起熊咆  
虎嘯日色白沙飛石走天容紫雨勢盤空忽凝結巨雷如  
甌墮不已頃刻妝成粉世界玉龍紛紛鬪雲裏眼前變幻  
各極狀造物設施殊譎詭青帝失勢滕六驕那有陽和及  
桃李我時瑟縮車上坐凜冽寒威透骨髓病鳥嫌籠噤不  
鳴飢烏瞻屋于誰止凸凹顛陷良可虞僕御控縱安足倚  
吁嗟乎世路崎嶇已如此天道嚴凝乃復爾陟險無辭行  
役艱愆陽只慮方春始君不見萬戶嗷嗷待麥秋號寒啼  
飢愁欲死

藤香館詩刪存

卷一

九

車中無事戲作五側體

鎮日此兀坐萬念淡不起偶爾得好句灑脫亦自喜遠樹  
繫客緒怪石斷轍軌夕照隱欲暮馬首野店指

無題七首津門作

吳鬢越髻美如何時樣梳妝變態多勉強學來全不是朝  
朝對鏡蹙雙蛾

深閨無計遣芳春偶向花前訪夙因寄語隔鄰諸女伴阿  
儂不是浪遊人

叩叩盟寒永別離香囊空賦定情詩年來花信都無準慙

愧封家十八姨

無端風雨莽相加私凭闌干問落花燕語鶯啼春似海東  
君曾否吝韶華

綠陰如幄罩簾櫳眼底寒暄漸不同小婢癡獸還勝我階  
前日日罵東風

織就流黃自翦裁同居姊妹漫疑猜人間機杼都同樣那  
有天孫下界來

羞將粉黛鬪風流懺盡塵緣更懺愁桃李無言春寂靜任  
他鸚鵡在前頭

戊午

新正自禾中冒雪赴杭途中卽事四首

藤香館詩刪存

卷一

三

行旌遙指落帆亭水驛新年戶半扃春信渡江風雪阻柳  
條寒勒一絲青

鶴氅輕披不耐風棱棱霜氣壓孤篷衫青聞畔春冰合羸  
得中流一葦通

一角寒林露酒旗語兒村畔泛舟遲山河玉瑩無人賞蘆  
葦荒汀立鷺鷥

片帆扶夢到杭州歌管聲中笑語柔火樹銀花城不夜燈  
輝雪亮月當頭

早發錢塘江

條風噓嚴寒陰陽妙鼓盪芸生偶受之欣欣各相向禽鳥

囀新音卉木貢妍狀江潮本澎湃碎作魚鱗浪此氣所發  
舒萬類資醞釀而我獨向隅澄懷翳俗障簡書促行李烽  
燧警守望攬轡丈夫志臨事羞退讓所嗟汲綆短智慧圓  
局量申旦戒僕徒鼓柂乘春漲波光颭紅旗山色搖畫舫  
中流擊楫吟欵乃答漁唱

江舟曲

江舟女兒顏如花手撥箜篌彈琵琶柔情綽態弄繁響江  
舟遊客忘天涯九姓相沿五百載生涯只有估帆在蕩子  
行裝載綺羅美人香澤分蘭茝李波小妹何翩翩桐嚴舊  
籍呼同年鴛鴦牒上三生訂卻借霓裳附眾仙江水茫茫  
江浪闊朝發杭州暮抵越妾面羞窺月半圓郎心恰似波  
三折握雨攜雲作浪遊幾人腸斷木蘭舟可憐無數纏頭  
錦贏得青衫兩淚流

自衢江旋省舟中雜詩八首

十里衢江水拍天客途無奈警烽烟今宵只合談風月紅  
板橋頭奏管絃

水膩胭脂山染螺良宵無處不笙歌明朝且漫揚帆去卷  
雪亭邊風浪多

渚清沙白定陽溪畫裏烟巒入望迷又是一年春事盡落

紅如雨亂鶯啼

飽挂風帆駛下游九峰山色鏡中收烟花都道蘭溪好姑  
蔑城邊懶繫舟

山到嚴州景絕奇濃皴淡染各相宜船爭下瀨馳如馬過  
眼峰巒領畧遲

山環水抱近桐江小婦琵琶曲換腔一路畫眉聲不斷畫  
眉人恰倚篷窗

富春江接富春山人住烟波浩渺閒時白風來曾網集賣  
魚聲喚夕陽灣

簡書容易負韶華風信連番到棟花自笑閒官如蕩子綠  
波江上慣浮家

藤香館詩刪存

卷一

三

奉檄防堵富春江

羽書百道傳鄰警孫盧夜越仙霞嶺風聲鶴唳遍之江江  
水波騰烟月冷浙東門戶爭三衢三衢險失形勢無如火  
燎原不可撲如草滋蔓將難圖巖巖七里瀧浩浩富春江  
杭之咽喉越唇齒外防旣撤嚴內防書生奉檄來江滸昔  
時簫管今鼙鼓戰壘遙連五百灘樓船高築三層艣側聞  
上將下江南年少周郎戰陣諳

周軍門天培自金陵率師救金華

淨掃櫂

槍明寶婺仙華重認舊烟嵐

鴛湖消夏詞四首

偷得閒身暫避炎荷衫葛帔軟於縑鴛鴦湖上供湯沐自

笑頭銜吏隱兼

涼颼輕送暗香來水閣軒窗面面開手折荷花作供養夜涼清吸碧筩杯

烟雨樓前聽櫂歌瓜皮小艇疾於梭水鄉六月秋先到菱角雞頭喚賣多

巾拂隨身俯仰寬林陰深處愛盤桓途人未解閒官趣猶作甘棠聽斷看

西湖秋泛

一雨洗殘暑涼波照影澄舟輕山翠壓隄暗柳烟凝燒葉焙新栗含苞剝刺菱湖濱來往熟紅認酒家燈

藤香館詩刪存

卷一

三

伯兄自椒挈眷至善備述故鄉喪亂情形及山中避難之苦聞之嗚咽連綴成篇得六十韻

清晨鵲噪簷下有遠人至晌午聞兄來喜色動眉際倒屣急相迎執手如夢寐喜極翻成悲縱橫彈老淚別兄倏五年面目驚顛顛問兄何爲然兄言艱苦備汝居與汝言約畧談近事自汝出門來鄉關照烽燧髮逆東南橫撚逆西北肆椒邑攝其間警報往來遞初猶徵鄉兵閭里互保衛日久寢懈怠嬉戲無鬪志開門揖賊來豺狼恣吞噬垣墉且不保村墟復何庇可憐桑根山乾淨無尺地六十老諸生臨難未肯避甘心投濁流旣死口猶詈

希冉兄遇賊不屈投水中賊以

予刺皎皎雙明珠弱齡知大義攜手入寒泉哀哉逝水逝  
之死姪女二珠四珠間戚族各萍蓬兒女若疣贅竄身匿荒谷

果腹無粗糲飢來腸欲鳴疲極目難閉日與山魑隣夜枕

骸睡古樹撼風聲遙天散鶴唳驚疑又他徒深崖作障

蔽縱可遠刀兵猶恐飽魑魅自分荆棘叢老死無生計汝

遭紀綱來相見顏稍霽遂買薄笨車蜿蜒出郊隧晝伏夜

潛行星霜習況瘁間道涉大江長途漸平易妻孥慶再生

衰病息驚悸九死重見汝恍惚疑隔世日昨入禾疆微行

察吏治口碑勒道路歡呼遍老穉喜汝作好官余懷藉以

慰從此風雨夕長枕而大被覩縷聞兄言痛極不能涕嗟

藤香館詩刪存卷一

我涉仕途頻年亦狼狽直本性成當道絕迎伺催科政

又拙迂濶講撫字偶逾鐵限期逕挂銓曹議到省逾限部議解嘉興篆

京華重戒途浙水更委贄一官如傳舍賦閒倏經歲家室

懸磬嗟命宮磨蝎寄佳兒十三齡便便富經筭一病遽彌

留天蹇伯道嗣桐兒今夏天亡淚眼揩不乾痛此書香替大吏謬

舉賢美錦令再製魏塘稱膏腴升斗資調劑急公不顧私

虛名乖實誼席豐忘骨肉鼎鉉亦何謂爲兄備羔裘身材

我親試爲兄置雞酒衙齋我同醉有子課以讀勿令青箱

墜有女責之繡勿令女紅廢有婦奉羹湯勿令虛中饋有

僕使溫飽勿令向隅懟風雪逼歲闌劫盡迓祥瑞大開獻

歲筵團圓互揚鱗

雪後偶得二絕

凍雲舒空遲積雪封庭冷一鶴立閒階踏碎梅花影  
官衙無積牘清淨似山家手浣梅梢雪琴簾坐品茶

己未

新年遊汪氏園林

衙齋不見春春意盎六街屏從作微行油油齊民偕藉問  
闐闐俗匪誇瀟灑懷名園枕河濱遠矚景劇佳乘興一遊  
覽池邇循苔階殘雪壓松竹新萸孕榆槐曲池引清泉石  
磴聲潛浩主人肅客入茗飲供蕭齋情話敘鄉貫家本黃  
山厓武塘偶卜築意與林亭諧市遠聲不囂小隱息形骸  
邱壑在門內無庸踏芒屨卽此羨閒逸翛然濠濮儕我有  
買山願苦爲俗塵埋

梅花道人墓

墓門閒訪赤松家碑卧荒苔字篆蝸一勺寒泉酬隱士半  
生清夢託梅花丹靑冷落無遺畫烟樹蒼茫有暮鴉廢院  
何人重講易木魚聲裏夕陽斜

魏塘書院課士偶述

鹿洞講遺經鷺湖紹絕學古人崇師儒重在覺後覺東林  
漸務名黨禍肆謠詠相沿及今日故事循望朔談理多迂

疏衡文亦約畧道藝兩不成學殖日將落魏塘富人文英才最卓犖講舍規模宏前賢工相度一廢數十年烏鼠穿楹桷我來意慨然耆老互商榷捐金集同志鳩工殊踴躍遺址煥然新我述昔人作清池泛芹藻別館羅花藥疊石成山邱種樹當帷幕境幽心自靜藝林欣有託遂訂課土期弗爽論文約淵淵出金石彬彬盛禮樂晝永竹露研夜靜梅花嚼儼然小鄒魯相期紹濂洛俗吏雖風塵造就意良懋聆茲雅頌音怡然顧而樂教養宰官職士民無偏駁琴堂重聽察鱸堂重磨琢作詩遺後人笙簧永酬酢

泛舟斜塘鎮

藤香館詩刪存卷一

三

曖曖人烟集溪流曲又斜水鄉多樂國小市獨繁華漁婦波爲鏡吳娃艇作家停舟招里正鄭重話桑麻

自春徂夏日日清釐積案十餘年陳牘次第訊結亦快事也歌以紀之

十年積案如山高官厭煩瑣吏憚勞愈積愈久案岐出支離牽引如牛毛嗟爾愚民苦株累錐刀起釁事良細結訟經年未見官蕩產傾家酬皂隸去年奉檄來此鄉健訟頗慮民風強清理庶獄未及半冬漕十萬籌倉箱漕竣日向公堂坐按期判決分功課如絲就緒髮受梳苦霧愁雲關節破夔夔官鼓衙散時庭花自落林陰移掩門燕坐靜無

事笑呼小吏鈔新詩

喜黃韻甫大令熒清過訪賦贈

江湖跌宕一吟身如此才華迴絕塵井水爭歌新樂府拙宜

圓詞膾炙人口衙齋快接老詩人青衫淚盡悲身世鐵笛聲哀動

鬼神最是雙珠多苦調兩姪女殉節君賦雙珠行紀之挑燈讀罷倍酸辛

水嬉曲

蘭橈桂棹張旌旗魏塘六月陳水嬉萬舟銜尾塞河道玉簫金管聲參差旛幢羽葆威儀肅焚香虔奏迎神曲不知神聽可和平繞郭遊人看不足錦帆搖曳中流狎客名姬共冶游玉樹新詞江總續霓裳舊譜李暮偷誰家少婦

藤香館詩刪存卷一

毛

新妝炫榴花褰子桃花扇了願私拈一炷香避人略障三分面烏踰匿景兔華升十里烟波萬點燈水國那知炎暑逼良宵只覺露華澄青簾白舫紛歌舞紉如無奈催更鼓迎神歡喜送神愁墮珥遺簪散如雨我亦扁舟駐水潯昇平樂事忍相禁小家恐有流亡屋乞借紅燈照遠岑

題徐樹人方伯宗幹東阡別墅圖

夢裏松楸畫裏烟紫琅風景憶年年出山霖雨千家遍表墓文章一代傳宦久每增懷舊感時艱忍賦遂初篇白雲紅日皆恩澤悵望先疇一惘然

二老行

闡後諸生來謁王生泰東年八十三周生敘倫年六十四爲作是歌

人皆種桃李我獨植松柏桃李逢春始作花松柏經冬轉蒼碧暗中摸索苦不知捉得迷藏驚叫絕一逾馬援據鞍年一如梁灝登科日堂上星使各大笑道我掄才有老癖棘闈既撤榜花開濟濟諸生爭典謁亦有瓊林瑤樹姿態軒昂神秀發是時周生適先至衣冠古樸趨踰拙自負龍頭屬老成周生中式第七名爲房首領袖師門無忤色須臾王生徐來頭鬢鬢眉皆似雪扶杖再拜勉成禮拱手退居弟子列周生一見神悚然敬向王生展門闕王生亦引周生年

藤香館詩刪存卷一

天

謂與次男同歲月我時並坐作劇談大聲如雷防耳塞周生秋賦始戊寅我適懸弧十月節師未出世弟應舉無怪孫山屢顛越恨我少年不登第我早衡文爾早達周生掀髯發微笑諧語似怪先生謫王生誕降更遙遙屈指乾隆正中葉黃卷青燈八十年一衿早已過花甲家落子死無立錐誤擊副車中轉熱上科副榜我聞不忍作諧語敬老憐貧贈金帛藝林傳播各稱快恩榜最宜擢黃髮況有文章中試官二生文主司激賞俱刊入闈墨梨棗煌煌名不滅人生富貴若草露五福終推壽第一先生不受束脩羊要爾私傳延壽訣

闡後卧病吳山禪院

深院晝悄悄雲陰接樹陰錦囊長吉血秋雨茂陵心養病  
新除酒留僧一鼓琴故人索題句禪榻裏頭吟

絕句

金鋪鴛鴦美人家銅鑲虛鎖珠簾遮神仙偶披鶴氅至雪  
中自賞枇杷花

庚申

新正自魏塘冒雪晉省因憶戊午新正亦自禾中冒

雪晉省風景彷彿檢舊韻再賦四絕

郡東塔影認亭亭松柏蕭疏古寺扃烟雨樓前風雪夜孤  
烟一縷雪中青

藤香館詩刪存卷一

三九

昨宵新罷試燈風載得春寒上短篷笛裏有人歌白雪傾  
脂河畔畫橋通

三過亭前漾酒旗村醪小飲解維遲髻蘇去後風流歇水  
閣宵寒宿鷺鷺

不住杭州便秀州水鄉來往鶻聲柔七年春夢何時醒潮  
打船唇雪打頭

答余古香司馬

本愚見贈原韻

魏塘分手後歲月惜堂堂重買杭州酒逢君一舉觴燕齊  
新轍跡湖海舊詩囊惜我挂帆去

奉檄魏塘交代

官梅驛路香

聞警

新正蒞杭州四境各安堵湖山種花柳村野藝禾黍鷹揚  
開勝宴大閱方講武行武鄉試去杭未十日動地驚鼙鼓初聞  
疑謠傳無此飄忽虜市井漸騷動遷徙及商賈警報日益  
警軍書飛插羽始知武林門四面踞豺虎賊來自皖南泗  
安失險阻間道出吳興馳驟等風雨武康一小縣恃陋略  
如莒徑捷人不知闖然入門戶薄城乃守城事事多齟齬  
我聞驚欲絕舌擣不能語頻年講清宴急難誰禦侮間官  
無斧柯憂憤復奚補一身免池殃萬姓罹毒苦翹首望援  
兵速來固吾圉

哀杭州

藤香館詩刪存卷一

三

杭州十萬良家子可憐困守危城裏揜臂難收一戰功屍  
骸枕藉西湖水西湖水何潺湲昔時旖旎今煩冤煩冤無  
告鬼夜哭苦霧愁雲塞山谷天竺峰頽鷲嶺禿菩薩攢眉  
獅象伏吁嗟乎佛若有情佛亦哭

杭城陷後聞羅淡村中丞遵殿

王月川方伯友端繆

南卿都轉梓葉青原觀察荪馬雨峰太守昂霄陶

珠泉定求蔣子久斯彥兩司馬鳳小屏別駕聲李

地山福謙楊漱芸炳春趙翰秋翼健張子暉元健

劉芥舟潤劉雲牧崇禧陳小芑元謙諸大令相繼

殉難感舊傷懷愴然有作

踰濟冠裳一夢中江潮鳴咽海波紅葢棺已定今生論籌  
筆誰收再造功千載湖山存正氣九原僚案更和衷羊曇  
望斷西州路棖觸臨風恨未窮

李芝巖觀察

祥麟 挈余壻 慶雲

自都南旋喜賦

誰知地棘天荆裏猶得重聯舊雨情京洛人歸塵乍拂滄

桑劫過夢仍驚關河無處容王粲婚嫁從今了向平

時將 爲女

贅安得朱陳村不遠兩家望杏各躬耕

避地四首

前營落大星後營走大吏峨峨毘陵城儵然敝屣棄義士  
強登陣矢死無二志官去民何爲一敗遂塗地長驅入姑

蘇香館詩刪存

卷一

三

蘇剽悍烏能制潰勇作前茅勇至賊旋至東南名郡縣拱  
手讓犬彘不戰收全功賊亦非意計

姑蘇旣不守潰勇及嘉禾避賊先避勇去去休蹉跎小家  
載行李大戶載綺羅老弱留守門甘心死無他少壯急遠  
颺伏莽防揮戈萬舟排河曲絡繹行如梭有舟幸成行無  
舟將奈何六街斷人蹤白晝鳴鴉多

素無濟變才不借留侯箸魏塘作寓公身心自豫進退  
本綽然於義可以去所嗟家室累百口相依附伶仃兒女  
弱長途厓內顧性又耽詩書萬卷縹緗具載書作遠遊慢  
藏恐致誤倚裝不能決烽火逼古戍

舟小載人多坐卧苦偏仄舟子若居奇揚揚有德色賊近  
心更搖途長風轉逆迤邐出河干汪洋來海國停舟探軍  
情浙西道久塞凡我所來境大半爲賊得我今脫羅網斯  
人曷有極迴首望鴛湖湖水無情碧

義橋與李芝巖觀察話別

河橋一杯酒老淚各沾襟當代虛青眼先生只素心宦情  
戎馬耗離恨越江深後會知何日相思雲外岑

別女

嫁女向平慰送女左司愁葉葉張輕帆申旦發江頭撫汝  
十八載膝前解我憂我昔作寒儒僻居荒山陬挑燈隨我

藤香館詩刪存

卷一

三

讀扶杖隨我游我昔領簿書撥煩無時休琴樽爲我理箋  
牘爲我收愛汝資聰明詩禮常講求喜汝性温存婢媪恩  
能周女誠少小習婦職當無尤何況託令門世家王謝儔  
翩翩好郎君鴛水親相攸少年或負氣坤道持以柔汝舅  
與汝父膠漆雷陳投汝往必仁恤勉潔堂上羞所嗟時事  
艱帶甲遍征郵宦蹟枰上棋行蹤水邊鷗汝今幸有家而  
我長沈浮戀我我益悲眷汝汝難留歸舟對汝母雙淚隨

江流

曹娥江

曉發西施村暮泊曹娥江西施村畔蔓蘿葛曹娥江岸森

旌幢越州上下兩奇女一何靈顯一荒涼冶容正氣本有  
間報賽想見人心麗當年環珮鳴吳邦捧心承寵洵無雙  
屬鏤恨不殉君王芳名那得分蘭茝曹家孝女真堂堂俯  
瞰江水如堵牆江神踏浪相扶將告之天帝歸巫陽緹紫  
疏上肉刑廢銀瓶身溺井泉香千秋血食宜配享彼箕帚  
妾何敢望

甬江喜晤何生韻仙

琳

避地相逢如夢寐燈前各訝鬢毛蒼家貧尙喜多文富老  
瘦猶看角藝強橫海波濤增感慨登雲子弟半門牆

韻仙  
門下

士多登第和凝衣鉢從頭溯受爾鱣堂一瓣香

藤香館詩刪存

卷一

三

姚江雜興四首

羅壁山前暫卜居鄰家池館久成墟東南大地皆榛莽金  
谷荒涼只一隅

嚴陵遺蹟鎖烟鬟亮節高風不可攀終賴雲臺諸將力烽  
煙不到客星山

赫赫陽明事業垂姚江故里有豐碑後賢但講良知學專  
闡誰張大將旗

水驛淒涼咽暮笳相逢強半說無家可憐多少流民淚灑  
上江干紅蓼花

短歌四首

彗星在天光在地河漢西流蟠殺氣中夜徬徨不能寐起  
向長空私灑淚陣雲如墨橫東南將軍盤馬臨江潭執鞭  
負戟多奇男昔時犢鼻今華簪欲往從之中心慙

亂世作官侍一走尺土一民我何有金印纍纍大如斗擲  
向東流等敝帚雲程水驛何艱辛餐風宿露來江濱同舟  
相顧多同寅孰爲閒散孰要津五十笑百良有因

故鄉千里無遺民死者狼藉生嗷呻以友挈友親因親百  
口遂乃肩一身牀頭金盡無顏色去汝何從尋樂國江海  
波騰天地窄屋漏七星住不得居停主人目且側

有麥麴乎對曰無有鞠窮乎對曰無可憐腹疾憂河魚土  
偶敗將桃梗俱大憝未平小醜起耨勸棘矜誰氏子常恐  
戈矛生眼底嗟我流離乃若此倚劍悲歌聲變徵

自餘姚遷居金華途中雜紀五首

昔由河泛海今自海沂江大江多風濤一葉相衝撞豈不  
苦行邁時艱心自降誰爲大將才盪寇靖家邦

朝借若耶風暮阻西陵潮行人怨秦皇天塹不安橋飢軍  
謀古戍潰勇盤僧寮是皆肘腋患賊近意氣驕

六和古浮圖未亂先一炬空王洵空空今作屯兵所巨觚  
張旌旗連營起樓櫓中有新將軍餘威懾商旅

烽燧日漸遠管絃日漸多江靜夜無聊嗚咽聞悲歌大婦

嫁羽林中婦曳落河小婦髮新隴生涯將如何  
三衢接宣歙用武必爭地婺州居腹內鄰壘可不至衣冠  
人古處雲山境迢遞僻靜暫安居勇夫宜重閉

登八詠樓

江山黯淡烽烟警旅客來登八詠樓南國詞人多旖旎東  
陽太守舊句留仙華黛色浮空際寶婺星光接上頭咫尺  
新安氛祲逼寒林衰草不勝愁

夜自金華泛舟至蘭溪

帶月征帆發經過五百灘波紋徐漾縠香澤似聞蘭濁酒  
荒村貰哀絲小伎彈推篷風露襲秋氣不勝寒

藤香館詩刪存

卷一

三五

龍游道中

新婦巖頭挂夕暉江村潮落釣船歸沿溪遍長龍鬢草織  
作山中隱士衣

過常山

嶺胡名悲思灘胡名惶恐人心能造境跋涉增驚悚常山  
達玉山壤地本接踵長亭酒帘飄短埃肩輿擁行行各魚  
貫望望忽潮涌中有負弩人鞍馬殊倥偬臨歧未敢問軍  
書插羽重途人各驚疑去來滋益亢疾走步轉蹇靜鎮心  
已動薄暮抵郭門車馬塞層棋

玉山縣

暮宿玉山縣茅店積塵垢氣象何蕭條逡巡問老叟叟言  
軍事急裏糧各奔走一夕遷常三十室空其九贖我衰邁  
身老屋誓相守今宵客暫息小壓茅柴酒明發覓扁舟早  
出玉溪口

曉發弋陽

秋老江寒夜嚮晨挑燈孤坐客愁新稜稜霜氣催黃葉策  
策風聲起白蘋溪畔漁翁舟作舍山中隱士室如園故園  
松菊無消息萍水他鄉苦問津

晚泊安仁

襆被潤沾葛溪雨挂帆飽受錦江風蘆花十里卷成雪中  
有漁舟燈火紅

藤香館詩刪存

卷一

三六

章江重晤李芝巖喬梓喜賦用義橋話別韻

話別橫江館杭州酒在襟風霜遊子夢冰雪故人心裘敝  
寒能逼烽狂寇日深朱陳今不遠臭味契苔岑

卜居

屈平端策問身世詹尹茫茫不敢對我今飄泊何所求但  
作鷓鴣一枝寄灌嬰城側人紛紛天街樓閣連青雲處囊  
毛遂臣未願買絲卻繡信陵君

次韻答馬仙樵太守

永熾

四首

鄉國滄桑後知交握手難是翁真鬢鑠相見慰平安宦興

灰戎馬羈棲厄鳳鸞何時 天路近重上五雲端  
大局期拮拄名場倏變遷補天豪傑事專闡重臣權殷浩  
書空日長沙痛哭年悲歌增慷慨此意向誰傳  
我亦風塵客勞勞乞食忙題襟餘結習攬鏡惜韶光韋曲  
家何在柴桑徑早荒此生甘澁落懶性笑嵇康  
萍水交新締雲龍跡共追豪華春一夢牢落淚雙垂客路  
音書斷江城鼓角悲新詩聊遣興遠道欲貽誰

章江曲六首

章水照郎影貢水鑿妾心章貢二水合中有並頭禽  
十里洪崖井仙郎去泛槎紅顏儂自好郎莫誤丹砂

藤香館詩刪存卷一

三七

儂作東湖遊郎向西山去東湖水不波西山隔烟霧  
渺渺滕王閣霞邊孤鶩浮紅橋連畫檻儂愛百花洲  
妾家繫馬橋郎家洗馬池繫馬勸郎住莫作游俠兒  
有女歌同車兩兩金釵顛狹路忽逢郎妾面羞郎面

答友人招隱

故人千里遠投箋勸我歸田志早堅招隱曾無偕隱地人  
山未辦買山錢塵中插腳誰能穩劫後浮家絕可憐師惠  
全夷平日志市朝村郭且隨緣

歲暮雜感八首

風雪荒寒氣不春殘年作客最愁人松楸千里無消息忍

買黃羊祀竈神

江陬海澨幾回遷屈指征途少晏眠四十二年彈指過酸  
風苦雨是今年

腰鼓聲聲急景催一枝誰贈嶺頭梅去年此日氈爐會官  
閣唐花爛漫開

紅飴綠醕各承筐贏得山妻黯自傷飄泊閒官無長物手  
調鄉味饋東牀

兒女紛紛笑語譁彩衣猶自競繁華可知十里神山路桑  
梓無陰賊作家

萬家爆竹起繁聲烟燄如雲塞灌城此是昇平真景象不  
堪回首舊征程

藤香館詩刪存

卷一

三

去日如梭可奈何屠蘇酒熟且高歌團圓尙有今宵宴大  
地而今冷竈多

小閣安排自祭詩齋辛荼苦飽嘗之明年不作淒涼調柳  
雅韓碑頌 盛時

辛酉

讀南華經內篇七首

鷺鳩搶榆枋斥鷃棲蓬蒿翹首望南溟寥廓轉相嘲樛木  
質擁腫瓠實中虛吟用大知者希棄置猶自豪至人重無  
已神曠心逍遙窅然藐姑射吸露遊丹霄

逍遙游

齊物實無物物在浩蕩中物齊孰使齊造物亦無功羣言  
作噉音啣嗽安所窮景外見罔兩意中生狙公不如游冥  
漠萬象一氣通爲蝶爲莊周循環無始終

齊物論

庖丁工解牛其刃在善藏藏之十九年露刃森寒芒吾生  
實有涯忍爲外物戕老聃死不哭右師則不傷萬物各一

天遁天烏能臧緣督葆真宰薪盡火留光

養生主

積人成人人間積成世其間乃有我慎此方寸地養虎  
順受福愛馬逆受戾楸柏天斧斤櫟社隱託芘支離終天  
年適河將備祭無用以爲用輕世乃肆志

人間世

王駘匹宣尼夷足如遺土申屠傲子產洗善先生所無脈

藤香館詩刪存卷一

堯

名重衛無趾學崇魯全人脰肩肩熟視反無覩乃知德充  
符不由外襲取倚樹據槁梧技精亦何補

德充符

爾已反其真而我猶爲人千古輓歌祖無此語酸辛達人  
齊生死俯視皆游塵左雞右爲彈神馬而尻輪天倪獲縣  
解夢覺還此身笑彼處陸魚响濡復何因

大宗師

儵忽帝南北中央實接址報德胡相仇七鬻渾沌死從此  
智巧萌因之變亂起滔滔作橫流噩噩忘本始耳目日以  
新氣運日以否泰氏古帝王試問蒲衣子

應帝王

次韻荅陳槐庭大令

鍾英二首

長年飄泊刺生毛無復元龍意氣豪失路英雄餘涕淚匡

時事業在弓刀江城鼓角吹愁起水國蛟龍激浪高聞道  
故人新借箸狂瀾何計挽滔滔

萍浮梗泛耗雄心歌哭都成變徵音烽火遍天人九死江  
湖滿地客孤吟無官童僕疏慵慣歷劫文章感慨深太息  
知交同浪迹相思何處寄瑤琴

苦熱行示王小初太守

之藩

十日並出天地焦后羿一射驕陽消有窮以前作何狀卜  
宅誰敢鄰南交古語荒唐疑誑我客窗親值炎如火一日  
比似九日虐攤飯澆書無一可珠招涼犀避暑冰井臺邊  
揮白羽今我箕踞生煩憂想見東征將士苦浮甘瓜沈朱  
李南皮會上輕颺起今我赤腳愁炎蒸想見人間襦襪子  
解衣磅礴來王郎要我揮汗吟清商伸紙疾書不停手詩  
成習習生微涼

秋興六首次小初韻

乾坤莽莽又逢秋望遠愁縈帝子洲天闕星辰常北極大  
江風浪自東流征鴻未爽霜前信去燕深知幕上憂莫向  
沙場談戰畧雲陰月黑鬼啾啾

天清地曠一閒身家國艱虞入夢頻兩浙湖山今戰壘六  
朝文物久烟塵淮南僭竊憂公路江左安危倚太真正是  
金天司肅殺霜威何日薙荆榛

恩怨榮枯念久平秋風引吭一長鳴霸才尙可支全局高  
閣何妨置此生幕下軍書成捷逕山中宰相亦虛聲匡時  
事業迂儒拙且向桃源暫避兵

露下霜清節序移望秋蒲柳欲何爲純鱸託興無歸土泉  
石鳴高是盛時斫地尙餘豪士習憂天莫道杞人癡漢家  
鹽鐵周泉府自揣經綸總未宜

南國誰將大雅扶木樨香裏月輪孤霓裳曲冷鑣歌競珊  
樹枝高鐵網無渺渺關河宵度雁沈沈樓閣曉啼烏年來  
時事都增感不爲飄零一腐儒

西江秋老薄寒侵倦鳥何由返舊林久客漸能諳事變去

藤香館詩刪存

卷一

望

官猶自戀高深銅絃鐵板興亡感玉宇瓊樓仰望心愁絕  
清商聲一片鳴笳吹角其悲吟

秋窗悼逝詩

並序

鄉園遘難於今三年延祚無人訪舊半鬼旅窗念  
及惻然傷之讀顏延年五君詠因仿其體每章冠  
以小序以見生平闡幽光寫哀悼不求工於詞也  
凡十二人各系一詩其無交誼者不及

孟保三大令師

頌

宰吾邑有政聲不得志於長吏挂

冠去先居金陵避難移居全椒與紳士共籌守禦

全椒陷馬上遇害

夙負倔強性立身講本原襄河作寓公大義凜然存死生  
且不計功名何足論微聞守土官出次三家村

郭小韓茂才

琦

吃於口而健於談才華警絕走筆千

言中年不得志甘與市僧爲伍所居小南門賊由  
此入椒邑首殉難者

林宗曠世才庠序吾畏友邊幅苦不修自署牛馬走期艾  
作高談嵇阮憎眾口終竟是清流抗節君爲首

楊受昌孝廉

燾

余內家猶子輩也名場角藝所向皆

捷冠軍者屢矣應禮部試不第困守鄉園弗諧於  
俗賊來被執不屈其長子同死焉

藤香館詩刪存

卷一

聖

世人皆欲殺殺身乃成名勢分卞侯殊父子同矢貞名教  
有正論鄉曲無定評風義兼葭葭葦哭君常吞聲

金伯雅博士

麟

世家子儒雅謹愿鄉里稱之賊至持

械衛母身遇害母得脫其女弟適楊鏡心茂才余  
內弟婦也亦同時抗節死

衛母兼衛身兩衛必兩死身死母得生烈士而孝子七葉  
繼家聲一世免詆毀阿妹亦錚錚可方勗政姊

周春帆孝廉

沅

時藝著名一時性儉約舌耕自給頗

不匱乏癸丑大挑一等請改教全椒陷遺資爲細  
人席卷而去困死西山中

寒儒效富翁動爲鬼擲揄刻苦如周君撒手一錢無辭榮  
慕高尚介介母乃愚可憐名孝廉藁死西山隅

汪金門孝廉凌鑑 邑名宿暮年得第貧病交侵全椒陷

挈眷竄江湖者逾年後往嘉善依余余徙越病不  
能興遂卒於善兩子皆茂才能讀父書

一第酬諸艱艱苦且未艾斯疾厄斯人烽火增狼狽襄流  
社久墟武水魂何賴淒絕兩佳兒杯酒天涯醉

江味潭茂才世稷 性警敏才名冠絕一時全椒陷挈

眷避居杭州杭復陷三女均以處子殉節君被掠  
乘間脫出旋病死義烏幕中葬小東門外

藤香館詩刪存卷一

望

江淹富才藻風格尤翩翩蹈險雖獲夷蘭膏終焚煎西湖  
祀銀瓶弱息堪隨肩何時少女風魂來耐新阡

李花農上舍國華 余姊丈也性誠篤以孝友聞生平

喜植花木兼涉書畫金石姊先歿賊至避居山中  
家口流亡過半以憂悼死

吾姊劫前歿含斂事具陳君歿在劫後滿目悲烟塵全家  
陷羅網白骨何嶙峋生時宅芝蘭死乃埋荆榛

希冉兄求 邑增生生平癖嗜腐史手鈔成帙詩宗張

船山恰不多作晚年不第隱居市肆賊來被掠不

屈投水死年六十二

同祖十一人兄長我最幼兄歿我將衰血淚青衫透八載  
離鄉園三族無耆舊峨峨老諸生勁節懾狂寇

虞尊兄

泰楚

邑庠生性樸訥博極羣書通天文算學

以舌耕數奇壬辰秋試已售額溢見遺生平無一  
美況文人之厄莫過於是賊來窮餓死年六十

劉賈不登科亞夫亦餓死命宮違奇厄遇泰皆成否迂濶  
固招尤博洽豈受訾嗟哉萬卷書中乃無甘旨

煦堂兄

冰陽

邑增生家貧篤學鄉前輩片紙隻字靡

不珍惜亦以舌耕伏案久雙目失明而猶作經師  
賊來以瞽免幼子暴殤鬱結死年五十六

藤香館詩刪存

卷一

四

無子先喪明喪明乃有子子殤君亦亡此生長已矣掌故  
夙能詳奇文手親紀辛苦翰墨林何處搜遺紙

佩甘姪

蔭棠

邑庠生故兄春暉茂才次子少孤從余

遊十年質鈍學劬文體秩然書法追步顏柳遊泮  
後家日落遂貨殖焉賊來奔竄死年三十

吾宗實不競後起望阿咸記問頗諄諄賦性亦巖巖一朝  
被兵革八口遭夷芟欲作祭郎文耿蘭無報函

次韻答小初二首

久典朝衫供旅食新裝絮襖禦涼秋丈夫有淚窮途制壯  
士無金到地愁雲路稀逢楊得意經帷老坐賈長頭驕人

貧賤真堪笑清濁誰分涇渭流

霜雁排空一字橫哀音嘹唳旅魂驚西風黯淡蒲先悴南  
國荒涼豆不生九辨補騷傷宋玉四愁題怨仿張衡烏啼  
月落殘燈在淒絕秋宵不肯明

秋宵不寐疊韻二首

簾內蟲聲簾外葉蕭蕭瑟瑟作深秋三生慧業工題恨十  
載寒燈慣伴愁慘綠年華驚過眼軟紅塵夢悔從頭劉琨  
已倦中宵舞一任堂堂歲月流

長空如水碧烟橫鐵馬檐前響暗驚歷劫漸存身外想閒  
愁多在靜中生臨街夜警傳金柝當戶星稀指玉衡更轉

藤香館詩刪存

卷一

五

蝦蟆猶未寐挑燈倚枕待天明

重陽日寄懷伯兄英山仲兄燕都

山中萸菊登高盛都下風雲作賦豪腸斷西江萍梗客一  
樽濁酒獨題餽

覽古八首

平陽幽囚出野史帝德巍巍那有此千秋遺恨蒼梧濱重  
華野死因勤民昭王之舟穆王駿六龍所至多滋費祖龍  
海上求神仙積車滿載鮑魚還

淮稱夷徐稱戎荆舒古與戎狄同文身斷髮譏吳越而今  
泱泱皆大風安邊自昔無良策萬里長城拒不得漢家衛

霍推元勳和親功讓王明君

赫赫四公子冠蓋相推引孟嘗及信陵聲望尤彪炳雞鳴  
狗盜羞英雄醇酒婦人娛暮景長安置驛鄭當時一朝失  
勢親朋離樂安任昉何足慕張羅廷尉心傷悲

淮陰羞與絳灌伍七國侯王等閒數當年俯出胯下時俗  
眼相看作何許絳灌得志淮陰囚調和將相終安劉興劉  
功業誰復道茫茫淮水千年愁

壯哉霍子孟謀國據忠鯁手收天子璽毅然眾論屏芒刺  
背上生漢祚藉以永貴戚習驕矜大德掩一眚身後遂陵  
夷生前保首領漢朝累業鋤忠臣英雄讀史聲爲吞宰相

藤香館詩刪存

卷一

哭

囚首謁獄吏禹山易世何論冤

陶朱猗頓籌親操積貲致富身勤勞鄧氏之錢遍天下銅  
山忽似冰山消園中七尺珊瑚樹豪華不藉君王助季倫  
文采稱風流同歸白首悲山邱

河間市上車斑斑齊紈魯縞貲如山王侯將相何足戀不  
如載寶歸鄉關洛陽宮殿烽烟紫幾見要離燔妻子銅駝  
偃卧荆棘中蕝鱸張翰思秋風

聞來賣藥長安市屏棄浮名如脫屣無端女子知韓康逃  
名或恐沽名耳成都有嚴君平與世無患人無爭浮槎  
使者一饒舌垂簾何處安吾生

自君之出矣六首

自君之出矣春去又經秋  
秋花如錦豔切莫離枝頭  
自君之出矣風雨怨深宵  
不怨羅裳薄寒燈太寂寥  
自君之出矣庭院長莓苔  
苔深不忍掃履跡盼君回  
自君之出矣清淚化秋棠  
秋棠嬌欲語只是斷人腸  
自君之出矣不復啟歌脣  
歌聲雖自好無復聽歌人  
自君之出矣明月幾團圓  
團圓十二度人世又經年

訪滕王閣遺址

畫棟雕甍四面傾  
我來憑弔重含情  
分茅帝子功非顯  
秉鉞閻公望亦輕  
一夕才人乘巨浪  
千秋古蹟擅高名  
章門有客停旌久  
江水茫茫百感生

藤香館詩刪存卷一

七

惆悵行悼沈姬作

磨蝎臨宮雙鬢老  
不賦歡娛賦煩惱  
萍梗經年蕩子愁  
曇花小劫芳姿杳  
三心五濁黯無光  
碧杜紅蘅不耐霜  
繡閣空牽連愛縷  
璇閨難覓返魂香  
東陽世澤今貧賤  
小家但解紉鍼綫  
裹布羞爭時世妝  
蓬門不礙春風面  
新攏雛髮鬢  
堆鴉月子團圓比  
歲華秦女祠邊拾  
芳草西施臺畔浣  
春紗鴛鴦湖水連  
鸚鵡靈修暗寄微  
波語膝下淒涼老  
恨濃渡頭安穩來  
迎汝魏塘春漲綠  
沄沄阿母相隨未  
忍分肘後香囊盟  
主簿壺中紅淚貯  
靈芸菱花寶鏡慵  
開匣桃

枝綠扇遮羞鬢大婦窺妝勸畫眉小星知命甘承睫  
花落鼓鼙髮紗帽清閒燕寢中知我微吟先蘸墨背人識  
字學題紅劉郎重作秋風客槐花香裏征帆發代疊花箋  
入錦囊私挑羅帕盛香屑三條燭盡警吟魂辛苦憐才是  
病根禪榻風淒秋黯淡藥鑪煙裊夜黃昏瑤姬親奉魚軒  
至茶湯芥朮殷勤侍繡佛私拈一瓣香沾巾暗灑雙行淚  
病中勞績合酬渠畫舫香車興有餘風月閒情聯眷屬湖  
山清福逮妻孥蘇隄偶說朝雲墓靈心慧舌工參悟宦蹟  
相傳並樂天香魂何處棲焚素重買扁舟返浙西胥山蠡  
水鷓鴣嗁劉安拔宅仙難覓王粲思家路已迷傾脂河畔

藤香館詩刪存卷一

哭

烟塵結往日胭脂今戰血桂弱無辭跋涉艱流離常恐恩  
情絕赭龕相向海門深蜃氣浮空日影沈生小那知風浪  
險時艱能諒藁砧心勾餘地僻權投止浮家又向仙華徙  
冷落衾裯夜少眠飄蕭鬢髮朝慵理誅茅穿逕灌嬰城鸞  
鳳囚笳鶴翦翎秋蒂搖風傷薄命夜烏嗁月警芳情思親  
夢落當湖遠祐山狼藉無雞犬舊蹟迷離鳥戀枝新愁絡  
繹蠶纏繭文園消渴病蹉跎形影相依喚奈何痛哭告天  
求代主悲涼無地暗招魘寒閨夜半雲沈黑油燈閃爍含  
青色眼倦無波咳唾絨心枯有淚瓊瑰咽一病倉皇永別  
離蘋因絮果問誰知丹青寫照空留魄瞑眩無功轉怨醫

生平愛習姬姜事閨中不作金錢戲洗手調羹佐女君唾  
絨繡履貽童稚顧影含顰怯可憐罡風底事妒嬋娟繁華  
粉黛三千界荏苒光陰十八年九原弱質將誰倚江干蕭  
瑟多蘆葦青冢何年返故鄉黃蒿滿目嘸新鬼賸粉零脂  
啟畫樓房空人去不勝愁落花委地芳林悴冷月窺窗破  
鏡留江湖老我傷離亂六公忍聽絃聲斷寂寞翻勞故劍  
陪哀思空藉吟箋遣自洗清樽酌濁醪霜風淒緊黯魂消  
重泉若解草皋痛再世因緣續玉簫

藤香館詩刪存

卷一

九

5  
600

3

